

VALRAMI EPISTOLA DE VITA S. LEONARDI CONFESSORIS.

(MARTÈNE, *ampl. Collect.*, I 655.)

VALERAMUS, Dei gratia Huenburgensis episcopus, serenissimæ matronæ domnæ GERTRUDI (1), devotum servitium, instantiam orationum ac semetipsum omnino in omnibus deditissimum.

Mirabilis Deus in sanctis suis, et cujus mens divinitus est inflammata, sæpius divina prædicanda sunt miracula. Optimam partem dicitur Maria elegisse, quia, sedens secus pedes Domini, audiebat verbum illius; pro multiplici administratione corporeæ refectionis Martha notatur nimium sollicitari, et erga plurima turbati. Porro, inquit, unum est necessarium, quod in partes scinditur, ad finem tendit; unum vero summum bonum est vera æternitas et beatitudo in idipsum. Raptentur insipientes circa viles hujus sæculi vanitates; tibi vero, juxta Salvatoris admonitionem, unum videatur necessarium, ut inhabites in domo Domini omnibus diebus vitæ tuæ, et videas voluntatem Domini, et visites templum ejus. Filia Babylonis quibus ignorant congregant divitias; tu vero, thesaurizando in cælo, supergressa es universas. Age igitur quod agis, operare quod operaris, domum Christo, sacrarium Spiritui sancto, ut cum terrestris hujus habitationis domus solvatur, domum non manu factam invenias in cælis, urbem fortitudinis nostræ Sion salvatorem, Jerusalem cælestem, cujus participatio ejus in idipsum. Beata quæ credis, quia quod oculis vidisti, operibus exsequeris. Sic sanctus Leonardus in honorem sanctæ Mariæ parvulam primo fundavit ecclesiam, ubi omnibus diebus vitæ suæ inhabitans, tandem de hac valle translatus est ad montem virtutum, ubi sicut iætantium habitatio est omnium. Benedictus Deus, quia et tu quasi turtur, invenisti nidum altare Domini virtutum, ubi, utinam! per intercessionem sancti Leonardi in salutem totius patriæ virtutes fiant, sicut ubique in oratoriis sancti Leonardi aspiciamus, nisi incredulitas omnium obstat virtutibus. Hereticorum perversitas adversus Christianos ma-

A xime temporibus sancti Leonardi incanduerat, ideoque, sicut viva voce fratrum percepimus, eorum malitia mirifica sancti Leonardi in hac vita, et opera penitus sunt abolita, vel sinistra interpretatione, sicut in ipso Salvatore nostro, infamata. Post transitum vero ejus eorumdem invidia scelus addidit sceleri, et, ut memoria ejus penitus auferretur de terra, Vita ejus, ubicumque inveniri potuit, est concemata. Quam magna, quam inusitata, quam denique incredibilia quotidie per eum fiunt miracula, nulla prorsus antiquitatis, ut opinor, pandit historia. Sanctus Leonardus, sicut ipse veraciter perpendi, ad invocationem desolatorum semper est adiutor, clementissimus in opportunitatibus, in tribulatione, descendens de cælo vultu instar solis rutilo, oculis stellantibus, habitu candidissimo; ad tactum ejus quilibet ferri rigor velut cera a facie ignis molitur, sicque captivi, a vinculis absoluti, inter fugiendum fluminibus obstantibus divinitus transvectantur. Plurima id genus ejus sunt miracula fidem excedentia, sed nulli prorsus fidelium inficienda: sicut per sanctum Leonardum Boamundus de paganorum captivitate, et rex Anglicus de fratris sui tyrannide integre suam recuperarunt potestatem, ita per eundem mirificum sanctum dilatet etiam Dominus te ad orientem et ad occidentem, septentrionem et meridiem, crescatque vestra probitas in nulle millia. Possideat semen vestrum portas inimicorum suorum et benedicantur in te omnes tribus Germaniæ. Fideliter credas et nullatenus dubites, quia, quod de reliquiis ipsius mirifici sancti tecum partitus sum, auditu ipsius vocis sum adeptus, sive in corpore, sive extra corpus, nescio, Deus scit. Et ne falsarium redarguant increduli, confido in ejus bonitate, quomodo pro tua devotione tibi idem continget experiri, præsertim cum multorum testimonio comprobatum sit clementissimum sanctum cum desolatis, quasi aliquem cum amico suo sermocinari.

nasterio Brunswici a se erecto recondidit anno Christi 1145. Et post curriculum duorum annorum, uti in Historia translationis a Godefrido Libmitio edita legitur, vitam universæ carnis v Idus Decembris feliciter est ingressa.

VALRAMI EPISTOLA

AD S. ANSELMUM.

Conqueritur de varietate cæremoniarum inter altaris sacrificium varie a variis observari solitarum.

(Exstat inter Opera S. Anselmi, tractatui De sacramentorum diversitate præmissa. Vide Patrologiæ, tom. CLVIII.)